

皇清文穎續編

皇清文穎續編卷六十六

詩

五言古詩

聖駕東巡祇謁

祖陵恭紀

梁國治

天命我

聖清創業開太平履武發周跡元鳥溯商生朱果

錫厥祥沐浴日月英起布庫哩山遷俄朶里城建號

日滿洲昭融

命有成中興我

肇祖王迹拓

興京邈矣

天皇紀續服敬

繼承經綸草昧艱圖度懷

前寧

乾坤鑒無私於穆運不已
我我長白山浩浩三江水

震維木德仁

王氣東方紫

開運萬億年鍾靈毓繁祉

帝曰省其山作對岐封始明政既不獲有赫臨

天視

上帝乃耆之式廓增疆理肇域彼四方乃眷宅維此

高皇十三甲

大烈揚

神武始征自圖倫棟鄂隨克取

天表赫神人

聰睿讜蒙古煌煌誓師徇告

皇天后土肅將

天之威一戰薩爾滸藩部既輯集遼瀋亦綏撫臚茲
勘定勲

穆矣神民主鳳舞復龍飛佳哉鬱

天柱

洪惟我

太宗

新命集自天杏山大凌河

神師帝阪泉北綏靖藩部南服懷朝鮮日闢國百里

桓撥緬山川遵養惟永圖觀政明郊旋

文儀旣郁穆

武義方昭宣羣臣上尊號三讓格

郊禋

隆業開無疆欽茲石馬篇

天君御六合時則有佐

命王貝勒貝子大臣議

國政艱難不二心際會於斯盛戮力我

皇家襄贊惟求定則莫我敢撓越有忠良勁烈烈何
桓桓堂堂復正正山高而水清當年百戰靖醜爵想
前勞百爾其敬聽

考卜始遘陽吉實

盛京最高壙昔

肇基樂只貽保艾居維四方極控馭恢無外千山爲
屏藩衆水爲襟帶八門何將將宅中以圖大洪規度
億年

誥治民和會耕戰畜牧時田漁亦攸賴受小國大國
九有啟清泰

宮庭紹闢衣

在上於昭赫雙闕

功

德崇

天門大清奕

樓殿鬱嵒嵒十亭張翼翼

踐位敬所尊

壇圻與

廟祏丹腹茲必勤

堂構欽念昔供惟

締造初謀謨決籌策呼吸

帝謂聞肝鬲

天神格綿邈睇山河森沉仰松柏

維

皇肇建官文武資並用協和中外心整馭軍民衆三
院六部分兩翼八旗共涉川利舟楫構厦扶梁棟

世祖定燕京風虎雲龍從

留都置將軍董正羣僚統綬言豐沛鄉敬此邠岐重

孝德疇能雙

昔在我

世宗祇承自藩服膺

命覲

三陵升禋薦寅肅憂勤十三年精一疑遐福駿惠篤
吾

皇四覲通

清穆聲教訖荒裔馨香懿芬馥洋溢昭

德聞律度式金玉

上緯杳旭卉

孝奏

天儀淑匏酌燕來宗瓜綿自陶復

聖人嗣大寶曰惟

天惟

祖惟

天凜難誕惟

祖思繼序全付所覆幬外大國疆宇若四衛拉特哈
薩克回部皇古所不賓今悉臣悉

主以此燕

皇天

橋山告卽敘洋洋

開國謨欽哉仰

作覩山海宴清寧戰蹟雄圖譜

稽拜謁

隆恩對越

神天格

鼎湖弓劍存

原廟衣冠宅

皇帝穆然思優恤通微漠艱難百戰勞

陟降三霄隔目想今思成精誠感曩昔蒼梧歛來雲

洞若天閭闢視聽無形聲烟煴通奕奕

赫矣照臨茲瑞靄如山積

豐功告慶成禮樂陳

前殿百僚贊

皇儀

九陛羅嘉燕

詔書十行下予復蠲租徧

頒賚

錫爵級

壽愷龍光燕王公內外臣廣額翹英彥以及旗兵民

舊京府州縣捧金穀帛

賜拜舞歡雷怵

題榜到朝鮮海外人歸羨

守器重留貽萬禩雲仍勗

皇威萬里揚德產和闐玉芝璽篆鏤丹璫圖字縈緣
金繩瑤檢秘

寶訓

崇謨錄隆禮義所生本盛斯文郁

世德配于

天煌煌

孝熙告盛禮

賁綏成

延洪荷弗祿

夔典欽

五朝禴禘宗

軒頊

扶輿鍾靈秀淳風追太上物穆隆古初德產

神臯王

天爲不愛道

地爲興寶藏

太祖昔論都

訓辭衷至當華實得上腴控御

聲靈壯山田澤可漁靈草珍嘉貺陰陽和會交氣味

芳甘養舊德服先疇藹矣

皇風暢

築城始

興京乃宅遼瀋陽臨關帶山海千里仡相望摧垣復
墮壘我武

昔維揚今者久承平百四十載強言言十八城帶
我東方

發帑百卅萬崇墉間女牆環以山面面表以海泱泱
六合茲一家在

德凜無忘

四巡用作歌

創業陳艱難

駿烈肇鴻濛

宗功想赴桓風起復雲飛長言以詠歎無悔亦無拂
以臨乃以觀昔

制全韻詩萬象羅

毫端

皇旅兮嘽嘽如飛兮如翰

義正於商那

事實於周般聲音與政通

聖海遊

文淵

江河行紀地日月行經天文章實經世載道行亦然

文皇啟三館

聖作有開先曰經史子集是惟四庫全網羅百年後

三萬六千編弄之以

四閣成之逾十年排籤別部居插架

鳳樓連

陪都遡過澗一本

訓昭宣

大禮旣告備

旋軫發

盛京

先河而

後海秩祭懷百靈嵯峨醫巫閭滄汗北解瀛

臣
忝

屬車未暇假瞻寅情自春爰及秋

展謁徧

山陵

孝理惟緝熙迄用昭有成仰惟

神聖德

純粹鏡至精可以形雅頌動容而發聲

后稷實

文祖

宗祀配

皇穹

家法

示守成

羹牆慕何窮歸格

奉先殿昭明告有融子孫及臣庶來賀會羣工初日

照旌旆和樂韶諱同淵淵聆

天聲穆穆展

帝容艱哉

思克艱

顧諟在

宸衷

欽明文思安萬古

日常中

聖駕東巡祇謁

祖陵恭紀

戴衢亨

歲癸卯仲秋

皇帝勅啟蹕

仙莊戒首塗

陪都指雙旆緬維著雍年三展

龍興地茲焉謁

珠邱修禋典循四五載闡上儀裔皇著成例是月天

氣清九闕肅霜霽
朱鳥延神旂
蒼龍護雲駟
出震京
表臨履坤北維
暨璇樞鬱珍符

聖人合

天瑞粵

興京肇基

帝作邦作對

神臯卜遼瀋分野
軼圖載景昔周造
豐陋彼漢興泗
仙冥鳳麟接繡嶺
龍虎衛中峙

啟運山扶輿氣蟠際

天柱冠日紅

隆業翼雲翠崇阜開穹隆靈源瀉溶潏鵬鴟綠展澄波
松花漾晴黛滙爲滄海流三江集一派戶牖亘八荒
通日融月竊我

烈祖

神宗大德受

命致佑啟迨

文孫

景祚無疆嗣

慶緒下武承

駿業思文契肅肅瞻

三陵巘原發葱蔚

寶城列焜煌神樹敷藻繪周環

柏殿重曲遶松岡遼絕如雲鬱蒨隱若虹映蔽石馬

嘶靈風仙仗排幽隧

寢園弓劍遺

原廟衣冠闕奕奕璋組珍燦燦球刀器萬靈永護持
藏之古珠寺

皇帝曰祇哉用潔馨香治祠官辨祠儀祝史陳祝事
珪瓚秬卣釐騂剛白牡備磬筦和神聽邊豆樂神嗜
三獻洞屬承百辟鏘洋侍萃假告有虔觀孚惕若思
一氣通

昊穹升鄰

上京至氤氲繞

嘉壇載奠

清寧位巍然

太室崇坤戶乾維配彤暉朝暾寔寶霧晝凝砌

皇家茅土風太樸昭有自曼碩古所云曾何侈塗墍
翼我

九廟儀

脊念蘿圖繫

皇帝曰欽哉

冊寶昭符制瓊版披秘緘鴻文煥前製鏤以璆琫姿
盤以螭蛇字襲以九華錦藉以六采縹榮光蔭星輝
奇彩錯霞繖迺

命天室宗佐以司空使

丹祊備敬登諏吉奉金匱東來納

紫宮璀璨琳局秘奕葉珍守傳垂光曷有旣

皇帝曰懋哉崇政政乃莅上座

黼展陳中達諫木置大開王會圖羣牧朝次第華纓
朱纓駢一一輝雲系南端麟族振左城鸞儀值霞漿
八琅璫諸部霈

慈惠底貢羅林鷄稱賓集冠鯤朝鮮職外藩修虔介
陪貳占香遠來賀敬奉琛與幣折風紗幘昂廣袖朝
衫曳肆覲趨

彤輝舞蹈攄葵志有

詔嘉乃王纁組元黃施

垂訓庸作歌寵以

天文賜捧歸東海孺萬丈奎光麗賡歌逮外臣乃效
颺言義化矣九服覃心乎

元后戴方今

文軌隆兩儀極經緯函玉太霄九襲珠酉山二

傑閣標崔巍溯淵源津逮三萬六千冊琳琅疊虔賓
諸天羣宿羅大海衆鱗比圖籍冠古今

雲章仰光被騫藻虬鸞紛振響鐘鏞儼往昔敷

親揚來茲切昭示

天書鶴禁承

寶帳敬排次

皇帝曰烝哉迪我

前光企薩爾許之戰耆定元功始當時揮

天戈一躍十萬騎連營大纛張落日清笳吹梯衝相

鈎連破竹挾全勢衮衮褒鄂徒登壇建魁帥赫若雲

雷轟盪若山岳銳四部收鋌矛三路覆甲鎧舊壘懸

蒼崖古戍積遙靄至今望關門英風颯千代磨厓

大書碑淋漓壯元氣

義畫凌青旻永鎮橫雲塞

皇帝曰溥哉禔福大介賚懷柔先百神喬翕周頌誌
維朔方作鎮長白鍾靈最屹彼醫巫閭鉅屏壯幽薊
遼河抱渾梁沆漭鴻波漬湛海浮神光髣髴雲旗翳
霧靜畢隆雝牲沈玉宸祭爰修報功典茅社遺榮賁
亦有佐

命勛沾芳玉醇醑茂氣恢

皇輿磐桑厓

宸計金城十八區交縈澗瀍會營隍豐靖宜和僱

頒官費羅羅版籍陳什伍列輔司劭農發蠲符常科
貸租稅鳩杖謹交騰雞竿赦並肆有秩橫舍生挾策
翹僂又以類宏三升以次勞七萃匪惟斥邏嚴考牧
勉思肄遂循大射儀營門仰

躬試守茲

家法垂丹忘弧矢利

盛澤周春翔駕言返

皇轡陟降循

東陵嘉氛颺颺齋房福草駢鬯室神芝綴還告

奉先殿慶成紹

鴻懿受

釐介以繁繼

序昌而熾入賀聯駕行華光動紳佩

小臣

道南邦徧

聽驩聲沸

天子勤六巡抹首

龍綸沛望

幸慶洽寰作求德延

世景命孚

上蒼

曼壽祝無艾頌揚萬斯年洪惟

古稀帝

聖駕六巡江浙詩

謹序

程昌期

臣聞之書曰天秩有禮又易通曰禮理也省方王者之大禮所以憲天而舉之有條循之有敘漢許慎說理字從玉理莫縝於玉而注并以治民當之故曰萬物得其理而後和也蓋天之行也經緯次舍其遲速有度焉聖人之行也咸速恒久其遲速亦有度焉欽惟我

皇上敬

天愛民明理體物自辛未肇

巡江瀚迄今甲辰典凡

六舉捍海翕河疏濬障防之策愈遲愈晰亦愈遲愈
周用以貽烝黎清晏之休爲億萬禩平成之慶
猶歟都哉所謂俯察地理而上與

吳緯同符也

臣躬際

懋典不揣樛昧謹撰五言古體詩百韻拜手稽首以

獻其辭曰

斗躔指南維溟滓薈磅礴元枵璿迴衡婺宿珠貫絡
具區萬頃涵稽鎮千仞削洪河壑趨鯤大瀛浪戢鯨
再熟稻駢畦八蠶繭簇箔

仁廟曩六巡淪浹遍老弱我

皇宣重光金甌輦核幕戍尉越伊涼庚郵置邛笮矧
茲淮海區究冀聞擊柝

五幸扇

巽風萬戶喁

解澤叶紀典歲序符候

后與悰恪鳧趨手扶藜鼈抃衷傾藿量吏黃封呈

黼座

丹毫諾

休助慰庶忱平成竚

親度栝桂樸仍前

蒿宮制母拓始和占律筩再閏遲歲籥積雪皓飄霰

層氷沍懸澤

恩許浹旬紆期待初暘爍上元燈蟠虬燕九觀翔鶴
正衙

寶篆開清道

安輿作鱗旂飛繆纚葩璫捎芻霍虎旅首揚旌

鳳闥晨啟鑰

黃圖闢晴臯紫泉漱清瀾九九車鳴鑣六六淀維紆

鏡裏湛樓臺壺中絢丹雘恩泉

顛金根德水

禮珠塔燕趙程幾經齊魯疆互錯清濟

稽璿源岱宗

展石室

叶

望秩儀備今登封事晒昨載

臨曲泗深爰

景高尼岸

心齋俸逾欽

道揆儼有託神蒼壠抽莖繁杏壇布蓍筴器范樞銅

靈漢沼通壁

叶

遺經

訪金絲

至教宣木鐸途覘青壤昀埤映紅花灼桃汎濃霞蒸
箭流勁弩殲

大智詢僉同

殷懷求民瘼高堰石陡增清口門常廓六壩木槌輪
二套雲梯瀾楊莊議毋移瓠子歌堪噓陸程

吉驢停川郵

福艦泊牙檣銅羽標錦纜文鱗躍曲江鏡拭如平山
屏展若帆凌瓜步雲亭俯蘭陵郭竹爐濤沸松茗餅
籠披簾雙橋玉虹平萬井金閭博雲林石蹲獅雪海
香啁雀七十有二峯中流蠹圻堦岡巒羅清森閭廛
炫赭堊錦市葳蕤鋪燈棚玲瓏縛俗尙日以豐
皇言義從約將

賞聖湖佳先

軫鴻壤薄梅瓣堅椿排蓉片銛斤斫合沓坦陂陀凹

凸疊齷齪匝地揚洋洋縮版杵橐橐內石毗外薪積
塊填巨壑千丈魚鱗駢億載蛟涎涸安瀾園淳泓鎮
海塔礫硤

太府籌金錢烝徒奮鐵鑊旣恬潮汐衝迺

契湖山樂三竺青娟娟重隄漾漠漠龍泓品琮琤鷺
嶺扳峇粵逋仙山吐梅少傅堂蔭籜福壤資
豫遊

邇治崇渾噩亟

容桑戶蠶頻促麥壟穫

問歲喜金穰

觀民嘉土著選勝攝峯曾攄吟吳會各柳泉緩揚舲
荆橋特馳駱隋石堆礧礧汎流安波瀾直從呂梁顛
遠訖奎山腳粵惟文獻邦雲漢光烏奕叶充
棟庀叢編峙鼎煥

祿閣奎璧輝燃藜魚虎迅掃蕻宗標浮玉尊瀾縈湧
金鑠大觀邁三倉

中秘恢羣玉叶冠麗正崇文綜九流七畧藝林咸式

楷學海勝循約

睿藻炳日星

聖訓表矩護疊韻編侔珠

元音洪扣鋪輸赤衆志孚騰黃

恩波綽除道

眷羣僚晉秩

予華爵竦士船揚旗

資戎精盈鑊宿逋罷計緡新租減輸槃裕汙邪甌窶
溥斗甬合侖牢盆筴寬鰥圖土芒消索

化寓春臺宏

醲澤衢尊酌或舉泮水芹或賦華階藥聯翩賀遷鶯
特達逾薦鶚新階比蓬壺舊侶謝芒屨侍

輦虔扶鵠覲

顏喜舞鵲袍儷縑煒煌脾紆銀煜爚

五世葛芑藟萬祺瓜絲葉叶瑞徵

曼壽孚事稽往牒莫熙洽

景運臻精勤

前光迪

叶

劭首山觀河駕蒲坂巡洛

啟蹕蒼震萌

迴鑣朱暉焯

彤墀策陳謨

丹祊儀告祐時薰揮五絃軒養廣八伯

叶

橐筆愿齋

愚誼軌跼遑蹢記

動職攸司纂言譜簫勺

千叟宴詩

彭元瑞

明炳振美歲辛亥上正四

詔舉千叟宴

壽世集人瑞星潢冠槐棘衿襍殿象寄許以歌衢言
附於躋堂義

天日極摹繪雲霞咸光被擬議莫能名

聖德恢

聖治有如解堯典一句三萬字臣愚媿詰窘敬告

盛事

敬告

熙洽朝禮肇

康熙日

神聖方御天康強且逢吉

聖齡時十二飴侍恭有秩孰知

中傳心曰篤旁繞膝亦越已酉冬時圖

敬披帙

書後誌慕效再三引無逸詎惟

心嚮往果以

躬作述虔誦

樂善文是爲盛事一

作述由舊章溯歲在乙巳卽今再丙辰循環又週紀

聖齡當七五宴者仰難企矧轅

八六羨期頤餘十四六裘

初元生上賴

長養遂七袞邈幼齡齒歲竹馬戲

心原保赤求叟亦仰乳

賜

泰上成鳩壽是爲盛事二

泰上天皇氏壽量莫與參

念

祖謹讓善理若籌筭探

御極肅升香

元精早包含果符周甲慶

郅治敷醲醴上日

太和殿

親付大寶函伊耆匪一姓鴻泐事九男夏局乃兄弟
矧伊唐宋談

授受隆鴻儀是爲盛事三

鴻儀播金石七言昉

祖製元韻拈一先似知

後能繼

聖作乃賡載日新而時出一日

恩慶延溯源

垂髫侍二日孝忠篤

敷言獎訓示屬辭勤仔肩選理黜妍秘羣仰

詩教尊一言蔽六義申以

舜歌風由

堯大章備

四詩咸一貫是爲盛事四

四詩管新宮苞茂爰笑語

乾清兩敷筵

皇極初啟字廿年營塗裘

萬歲御展黼左旋

九重天東生羣物祖

符望閣定志先

遂初堂
從心矩

頤和軒
和氣盎

景福堂
福疇敘名實卜如幾苞符

天所與始稱

寧壽觥是爲盛事五

稱觥禮所重金壺寧百福堯尊寶露堯舜楹延喜玉
皇帝臨侍筵殿下皆蒲伏上

壽卽

錫齡舉爵遂相屬漢殿未央置唐宮頡利服彼故寧
親儀陋矣惇史錄幾見

虞裳垂直邁周鼎卜

尊養超萬古是爲盛事六

萬古測輿圖廣袤遜

今日句驪奏詩客廓喀拜

壽佛交趾遲羅斛斗戴南弧出

詔許畧年甲都教入班秩蒙古兒孫行姻久連

帝室歐邏靈臺郎老猶守官術耆英社同登王會圖
合一八埏躋

壽字是爲盛事七

壽字熙大和造化氣塊圯

六旬久培養萬物無天札載稽宴千叟初番數能說
耆碩六百餘簪紱七十列再舉三千人華實蟠桃節
此度盈八千春秋大椿埒上如喬松茂下有茯苓苗
皇人多壽穀是爲盛事八

盛事古未有繼今更光前由來熾盛會彌積

福祿駢初集吟什伯續撰詩三千鋪張今

鴻庥臚實無陳編

臣

以芻蒙質

誨育兼成全昔忝被

醴賞今喜與末筵

佛有大願在臣民各偃篋報

太上皇帝聖壽億萬年

臨雍講學詩

謹序

紀昀

臣聞天苞地符道源一貫皇春帝夏政典異文
虞巡五玉制殊乎周官殷宗九州名別乎禹貢
正朔服色迭更於子姁以來封建井田難舉於
嬴劉以後是則然矣然不沿不襲去故所以取
新或革或因永世在於師古損益百代精探述
作之旨經緯萬端曲盡神明之用秉持聖矩提
挈乾紐正名侔乎黃帝定禮協乎素王經世上
猷又非可以管蠡求也欽惟我

皇上幾衡在握儀璘恒照虞典愼省勅

天著乎舜歌周錄延長率

祖念乎鹵俗建極錫福惟馨香之感神無逸永年信
康強之逢吉螽斯蕃衍

五世驗其貞符鹿鳴燕樂千叟應夫壽曜靈臺偃伯
武德備而修文康衢聞謠養道浹而興教粵稽
太學建自有元相沿園水之名未具旋邱之象
貞元再合儲待

重熙之朝禮樂百年慶逢

首出之

聖爰考古義趣建崇基方儀內甬圓折外甃火珠疎
峙石梁交達宛游靈沼之側重覲鎬京之制蓋
質文異尚者矩矱恪秉乎

高

曾今古一揆者符節遙合乎先後聰聰

筵訓舊章不愆儀監前規闕典則補貞珉矗立而蟠

盤

寶書深鐫而鸞翥

睿慮遠

聖謨彰矣豈但三老五更釐曲臺之駁文刊虎觀之
謬論哉冬官歲事適圖周大衍之數春祀升香
用儀備上丁之薦典本歲修禮崇

親舉麟書景乎冲漠龍蹲接乎肸鬯籍以告新宮之
成昭聖教之昌也於是

臨橋門

登講幄九官鵠立三舍鳬趨瓊几敷陳

玉音闡演發孔曾之微言抉義文之奧理莫不竦聽

肅穆默悟愉怡斯時也

法駕方蒞瑞霙交霏五出應節當土膏之全動三農

愜願際麥穎之奮茁豈非歡心溥洽祥徵立致

以豐歲之兆慶大禮之成哉臣忝備月卿獲登

雲陛司儀侍玉俎之側聽

講跪

黼屨之右葵藿小草向陽有願禽蟲微質應候自鳴
不勝踊躍歡忭之至謹拜手稽首獻五言詩八
章用昭

聖朝文治爲古所未有其詞曰

鳴鳥聞崇岡菁莪育中沚靈囿昔肇建璧沼亦經始
雲漢歌作人卷阿賦多士西京化云盛東轍風漸靡
叢議溯卯金歧論逮天水黃圖渺前基青史曠遺軌

興文待

昌期稽古資上理五緯珠躔明三雍雲構起

聖皇握玉券

洪筭縣瑤圖

五葉席景運

六御提神樞

軒夔武義炳

舜羽文德敷

醱化周鼇極首善從鴻都四門集俊乂六藝陶師儒
園橋緬舊記壅水懷前模萬化夙修舉一事猶

勤劬經營補所闕名實斬其符

太史撰日吉將作鳩工良分寸度繩墨法象規圓方
九宮準奇偶八牖宣陰陽雲雨軼太半金碧輝中央
一鑑匝瑤甃四阿交虹梁淵渟蓄珠水井養資銀床
經營羣力集區畫

睿慮詳粲然禮制備煥乎文治光

龍畫耀雲章
鼇碑鏤樂石
上軼岐陽鼓
下掩蘭亭迹
金鏡明法戒

玉衡絜今昔
興賢振簾業
泥古斥縫掖
五更義兼訂
三老疑再析
鄭孔誤當刊
班蔡謬皆闢
仰讀悟政範
俯繹知學的
弦誦識勿忘
貫佩期無斁

儒珍樂並育

聖域溯至精
鼓鐘續周雅
俎豆升

孔庭二月榮
緋桃七葉抽
翠萸精禋春
卜吉上儀

親告成肇修豐水典式慰

尼山靈河圖酬宿望木鐸宣遺聲

神喜金石和

德孚黍稷馨羹墻接千載爰與證六經

靈鼙警衆集華鯨傳

蹕來穆穆

天光臨肅肅

經帷開駢聯芳茵布次第華纓陪敷陳披聖籍

宣示聆

睿裁天樞運萬古人紀措三才

體健勵無息敦倫期允諧

康強勤典學

壽考樂育材敷言惟

皇極泳化皆春臺

至治感休徵太平召協氣

蒼絳叶神符黃輿證靈契側聽玉案

講慶覲瓊璫至合寸凝蕭雲盈尺兆岐穗頌奏屢豐
期雅當於樂際緊寧多稼祥實表

觀文瑞感應一氣通申錫諸福備愉愉歌詠音炳炳
天人義

化成聲教遠

道久禮樂興

七旬勵宵旰百度挈準繩福惟萬億積治乃三五登
樛材逢嘉會

天語欣欽承仰睇

紫殿高俯視翠湫澄圓規擬璧合溫溜方川增矢音

依陛楯稽首瞻觚棱無由禪海嶽惟祝齊升恒

臨雍講學詩

吳省蘭

教胄典清球奏公聽靈鼓

祖烈開仁田

宗功治藝圃我

皇宏遠謨羣生茁大字震旦揚芬馨恒春藹和煦振

振鱗之趾詵詵螽斯羽靈椿

壽盈千瑞芝

世次五迺集大羅仙共酌康衢醺九節筇枝頽十壺
錦章吐泰階徵祥風成均廣

化雨嘉名傳鎬京

誼軌越三古

有列引泉井不竭成璧池鏡開紋漱灑月滿波參差
紆徐遶員嶠層折融周規

聖涯普涵泳

帝澤宏敷施揚清妙鑒彼漱潤工注茲詞源汎洋溢
學海含清漪芹芳鬱藹藹藻馥浮依依近參頻宮製
敬讀

環水碑不改義取易於論工奏詩盈科治洙泗石鼓
文蟠螭

有橋通輿衛有殿接星漢雲構凌日邊虹梁聳霄半
卓爾瞻文峯翼然企道岸短棹霞紛披連牀綺璀璨

奕奕卑鱣堂巍巍歷虎觀圓神三以函方智一以貫
洞達窺圖書綏衍列几案楹榜懸

奎章禁扁勒

宸翰柱斗拔鬼我櫺星掩炳煥

聖域廣丕基儒宮近高開

上丁吉日筮

太乙齋宮虔塵燭

鳳輦肅雪映

鸞旗妍載鸞靜呼

趨節步安佩瑱初孫陪位至祝史迎

神先氤氲飛紫香羅列排丹筵薦醑潔酒醴羞毛呈
牲牷九成叶鞀祝十器光豆籩三獻禮穆穆萬舞儀
僊僊周彝彩斑駁孔壁形蛭淵見羹典型在舍菜

精誠專

法從昭森嚴

講道標粹美奧窔元機參奎蹄秘旨契法脈尋胚胎

神苞漉渣滓主敬宏

緝熙積健振條理木鐸聲警聳金桴勢扶靡鹿洞沿
源流驚湖晰疑似珠盈徐庾囊玉積曹劉壘琅函披
琳球

綸言結羅綺光儀九苞鳳學富百城雉小儒歸
陶鎔諸子失涯涘

糜粥典頗贅老更名已拘孝弟樹

誼教耆耆依

仁模翹首鶴髮垂跂足鳩杖扶班秩螭頭肅道夾龍
尾紆師師綺里集翼翼洛英趨獻議戴馮似附論孫
卿俱旣沾

壽寓澤還聽

經筵謨光晶玉盤映黼藻霞錦鋪仔肩任開繼節目
該精麤四門倍鼓舞奕世長沾濡

奉璋來譽髦觀

光集翹彥雝階梧鳳棲翩翻藻鳧戀呦呦萃鹿鳴郁

郁霧豹變鯉向芳池飛鶯遷茂林嘒子衿增鮮妍宮
茹染葱蒨式

訓諧鐘音振贖闕管見鼓橐神吹噓鎔金妙冶鍊心
效葵藿傾

化沾靡蕪徧蛾術紛裊裊雀躍舞歡忭盛事揚
古稀貞符協大衍

同雲護壁府瑞雪飄環林瓊枝杏散彩玉葉槐披陰
素輝燦典籍皓質成璆琳霏霏六出秀麗灑連番深

瑤階屑紛吐銀燭光徧臨
雲綴飛花色韻夏鳴珂音
霑渥霈澤溥感召應

德歆知時乘元化潤物逾甘霖祥徵樂歲兆慶洽黎
民心仰被油油澤俯恤青青衿

鷺序効肅將鵷班荷

榮賜趨蹌服乃勞恪恭莅厥事啜茗優在廷酌醴重
有位紀績先案寮錄庸逮隨侍文綺盈玉筐華縑曜
錦筍觀聽欣偕來

頒錫寵倍至彩幣輝爛斑美鏐色精粹時雨同涵濡
春膏盡沾被並邀

天府光益勵士民志膠庠騰懽聲黌宮拜
德意

近稽宋元祐遐溯漢永平未邁百王德空存三雍名
煌煌考鉅典赫赫標上京闕如洵有待展也觀厥成
清時際

仁壽寰宇覘景卿四海道德流萬國車書呈早麓楷

濟濟中沚莪菁菁

堯型煥彪蔚

舜矩增恢宏幸窺石渠秘嘗沐橋門榮景從效于邁
颺拜荷載賡

太上皇帝紀元週甲授受禮成恭紀

謹序

董誥

臣

聞天皇之世箕數萬八軒轅以來甲子四千

珠籌璇管翠籙丹文歌誦如雲如日之麻揄揚
乃武乃文之盛者不可勝紀然未有踰繩越契

陶堯鑄舜如今者也洪惟我

太上皇帝陛下

握四得之原

溥五代之福

轅十全之大成周六甲之洪算

本兢兢業業之懷

篤純純常常之祐

臨御之始合符於天歲居丙辰丙者炳也日麗九華

萬國仰照辰者伸也風行八極六合含和稽之
往牒堯之初載爲甲辰舜之始年爲丙戌

太上皇帝得天之厚亘古莫儔千支協契已兼乎放
勲重華矣

秉德之經默孚

旻綽建元之紀仰叶

仁皇惟

天惟

祖垂恩衍禔光大龕洪成乎昌會懿鑠哉義軒頊倍
孰能婉斯

德功禪因蜚仵孰能觀茲

亨宇哉迺

壽祺錫羨

聖懷謙輦旣

備生民以來所未備更

全生民以來所未全乙卯九月

命

皇帝先正儲位弗事異讓迨乎丙辰元旦

御太和殿

躬授大寶維時中外臣朝正翕集成蹈

德而詠仁飲和而暢淑游

聖而揚華臣以淺陋忝侍

禁廷三十年仰窺

至聖之德巍巍蕩蕩莫得而名臣維易曰大哉乾元

萬物資始乃統天乾之象曰天行健君子以自
強不息禮記中庸篇曰至誠無息伏讀

御製經筵御論言無息者蓋并不息亦無意於其間
亮哉

聖言誠體乾含元之樞極也

天劑元而廣運用能一日一周與萬古而無極

聖法健而調元用能一日二日萬幾如大圓之在上

元者善之長也亨者嘉之會也

太上皇帝命以嘉慶爲

皇帝紀元元演而爲亨也維元可以致亨亦維元可以統會然則四極四和八殯八紘皆賴

太極之含元以孚嘉而錫慶也夫欽若者聖人所以奉天因篤者天所以弗違聖人天人之際其理甚著伏見

太上皇帝六十年來

勅幾疑命薦信臚誠

揚

烈觀

光紹聞衣德

所無逸而勤政

占有孚而愛民

文德之漸被

武功之震疊皆本乎

體元以行健宜乎百祿荷而萬福崇也昔者堯以七

十有三載而薦舜榘丙支辰與今適合詢事考

言尙秉文思

太上皇帝八旬開袞座念庶徵刻爲

大寶迄今

精神純固勵治如初舜有耄期之倦未足比我

太上皇帝同天之健也自今以始

睿懷宥密

聖訓周詳綜核埏而

敷治積億祧而恒春

皇帝之福溥爲億兆臣民之福皆賴我

太上皇帝得致福之原宏嚮福之道以承

天之眷豈不韙歟臣歡慶鼓舞不能已於言謹成五

言古詩十章以獻詩曰

昊天肇成命緝熙時

聖清朱果集庥應

駿業恢

陪京

德宇著魏煥

仁風曾埴紘

聖祖丕丕基六甲周乾行我

皇昭聿修受

眷當沖齡克

君在克類大統尊

前寧乃

文靡弗守乃

武疇弗繩馨業致純嘏

天視從民情

帝夏與皇春步趨分億禩

六龍象乘乾九疇範率履

祥徵麟踐椒

瑞協鳳銜璽

建極環丙辰

薦馨格癸巳上儀陋宋唐

禋福駕姚姒蕃釐敷寰埏景曜被瀛汜雲笈賁十華
星圖邁五時

尊親天下養用紀螭坳史

居正必正始日吉辰誡良一元

大申命

恩詔頒遐方握鏡揆坤軫

授璽開天閭易言嘉之會雅肄篤其慶述

祖紀弗踰受

天命溥將吾

皇億萬紀

仁壽綿無疆萬方葵藿心迴轉仰太陽戒抑與期頤
胥荷

垂衣裳

周誥繹召公

聖學始主敬事

天凜日監要義在履信

壇壝默精禋圭璧顯庇蔭

蒼緯感冥漠歲功司健順風雨六律調寒暑五行運
鳩鵲課及時釐牟屢霑潤

帝謂恁耕桑民依免饑饉庶嘉召

聖心一一示符應

寶籙貯歲史莊誦期罔訾之檢

訓垂後蘿圖祥開先九寓玉衡正八極金甌全決勝

如

躬親受畧皆

心傳克勤禹是謨無逸旦所編

國俗凜遵循

家法垂洪延螽羽旣繩繩瓜瓞何綿綿

一堂斂五福祚衍斯萬年

學海原委長樹義尙宏達

天文在

奎文倬焉炳日月

講筵奉

言綸雍殿莅

宸蹕石鼓珍現存笙歌補鼎軼

評鑑闡千秋

詩文綜八集七閣寶書森四庫琳編列有材

恩榜搜其秀諸科擷作人由

壽祺文昌拱

瑤闕

寄象譯合

稜威疇弗龔邊庭撤緹幕環海偃唐弓底定稟

成算萬里臚

淵衷四得本

聖德十全揚

武功于郊勞臺肅于苑紫閣雄廓喀修職貢咭喇咸
來同闐玉輯瑤琨宛馬策駉龍舞階有干羽

昊貺於昭融

得一際清寧

重熙垂令緒星階穆穆平蕭露湛湛滑

巡省周四方河海爲物巨

問俗慰井閭

從好協風雨

聖孫稟

祖訓融洽遍羸宇菁莪煥膠庠苔草映囹圄釀澤長

滂沱

盛典難覩縷十賚詔駢蕃跂延

天尺五

龍輿肇儀朶翠牒契禎符

升香闕昭告

眷命恢昌圖惓惓

耄念殷溫溫

剌旨爭沖抑繁稱屏濃褻

皇清之宗廟 卷之三
湛恩敷官府書是憲泉源字分模瓊管別

記注被直聯

起居法筵殿當中獻

賜尊與壺願言入千叟

益算增南弧

九閭誅蕩蕩雲陞偕瞻就岳瀆貢嘉祥昇緯呈床佑

東西効鸛鵲南北一尉埃

鳳紀春早回

鴻基運逾懋

遂初揆符節頤和體壽履趨蹌師濟聯遭際

勲華茂重光宣德輝復旦舒春晝寰海羣殷翹長侍
萬萬壽

駕幸翰林院詩

戴衢亨

嘉慶甲子春月丁卯初吉越三日癸亥

天閭啟

晨蹕

舊典稽詞垣
惇史夙載筆
其時值中和

恩暉藹

聖日祥風扇
綢緼澍露涌
沕漭仙仗排
儀銜香蹕馥
迷迭

辰旒大常建

丙御乘黃馱
翟葆羅星旌
華芝翳天畢
洋洋玉河流
永漸渙清泌
將將登瀛門
沙隄翼隆嶠
填街擁千官
企

觀肅紳韞鳧趨儼前導仰楣泐敬一

虔禋

至聖祠羹牆

契師帥遂

覽玉堂基槐廳翠欲茁蕊珠

錫璇題

黼座依慶商布席先星潢廓階次以秩上衮象庶僚
鷺序東西匹初奏隆平章吹琯應緹室玉聲鏘璫珩

花光覆藻繹臣鄰近

天咫

霽表怡沖謐再合丹陛樂繁會引足節金鑄昭和鐘
絲彈清平瑟萬舞入翻篇七始引控榻下管胥應懸
登歌始啟佾嘉生導昌昌淳源汨汨敬聆鈞天奏
京華盛文物玉署會羣英僉諧九成律延閣濃雲章
雪霰樂三闋熙盛洽樂康甦戾而景逸敦和愜
皇情戶牖真氣溢

玉食飭所司先期具薰祓綵棚羅珍羞皆自

尙方出初巡漣乳甘雲珠淪花沫海錯荆揚包一一

備遵寶黃筍金粟瓜紫蒂荔枝橘鍊珍邁瓊腴咀甘

逾石蜜堆盤腊臘陳出釜鮮腴割湯官銀線窩行厨

玉英餽露羹沃水甌霞漿注晶鉢旣扇蓬脯馨復飫

衢尊絜恭上

萬壽觥鞠脰前造膝

春筵衍柔嘉

香案鬱蓬勃

天儀愉有加

手卮賚近列碧瀼擊醍醐黃封激醇醑

命醕頒醕筵流歡次第迄湛湛梨花春醇飲益芳冽

戲竹合復開承應奏劇術房杜及沈宋冠佩何必似

流規立本圖藻詠昆明述豈惟述文章維用勗勲劼

鱗集慰就瞻駿奔萃組紱九韶奏顯平臚人贊操畢

上儀申鴻霈

湛恩宣鳳綵

聖製炳日星道源溯溟渤副以石經函永垂菰林臬
味餘賁

天文弁首煥

宸札載

頒杜陵集忠孝義隱括

惇誨所涵濡春華復秋實

好賜臚綺珍

元音叶球夏

倡韻遴東音故事取張說載聯柏梁句毋俾姓名佚
薰什疊鴻章

訓勗旨彌悉儒聞敦懋修官箴勤祇適志必勉日新
材必副天隲將以勵廉隅慎勿負謨弼修詞正而葩
揆訓文相質自古公輔器抽淪半圭簞旣忝芸省階
矧敢自暇逸緬維不朽三端宜用心壹洪惟

高宗朝

聲教迴貫越

辰告逾天山亥步盡月窟鏡澄十州暉穀儲九稔秬
經訓超鴻都籀史輯獵碣再題詞科名屢釋

恩榜褐重置秘閣官廣校冊府帙

釐工貞百度咸以正罔缺

繼序時純熙

亮章迪上哲

懿化昭由庚

元符合太乙兩階舞

舜干三葉靖

湯鉞止戈爰囊弓偃伯正懸戩

崇效三階平

普汜九黎察禮羅收梗楠駿選空驪駟貢額廣亢械
宗英培綿陟翹秀歸匠成舟航暨楫楔

講筵彛訓頒

寶刻辟雍揭

特飭將作匠國鬻新椳闌

併恩逮玄軫

厦茈集儒轍

亶念著作庭規模本卓濶所冀出棟梁先俾加丹漆

劉井及柯亭偉觀信閎達奚翅凌閩風便擬證兜率

臣

聞清秘官在昔稱禁密名以漢賦標銜自唐代結

石渠與蘭臺左右承明闕方之羣玉山萬古藏書穴

後來秘書省丞郎乃增設萃蒿我笙簧酒醴爾翹葉

或攜蓮炬歸或引禁臆熱或酌流香樽或賜翔麟秣
其望直且侯其才暉且偈紫瀾風初迴碧海鯨待掣
因之考源流隨時頗區別東壁連星躔北門適宮切
車駕時臨幸往往荷振刷紅羅飛白書鏤澤耀劇劇
禁林讌會集嘉話艷誦說禎寐記邃清地不遠殿闥
未聞官司解乃獲邀

鳳轄恭逢

文明晝闢門岿夔契嘉名邁錦窠茂典陋綿蕝紳書

啟柏櫃似受丹醴訣鳴珮趨官衙忽聞霓裳徹上瑞
昭

丹宸榮光繞紫宸

微臣

恐散樗館閣並忝綴再世玷

清華四叨宮袍纈古之學士院樞庭今密勿佩橐甘
年增學步寸衷慄北斗文昌臺非材遽登郅

龍旂莅蓬巒分韻許陪謁重到蛾眉班仁風颺蕙鬱
舊痕懷鳳池輪奐美雲綵如上千仞岡如登三乘筏
愧乏長楊才擬記華陽笏聯襜趨雲間

榮施積家闕

聖駕東巡祇謁

祖陵恭紀

王麟書

蒼精位東方鴻濛孕元氣日出博桑津雲護白山峙
闕門發其祥朱果赫靈異篤生

大聖人峻德

天克配肇造我區夏六合歸愛戴受此丕丕基延慶
億萬世我

皇迪

前光總宙默司契

達孝在繼述本仁而祖義若水溯遙源蔥鬱

寢宮闕展謁孚殷薦

列聖有遺制

仁皇昔三巡肇禋肅祀事

憲皇奉七鬯震宮實主器越在

高宗朝鑾輅凡四詣我

皇恭陪從曰惟癸卯歲

丹駕隨

金根前星炳

儲位

燕翼眷嗣服

大寶重付畀馨聞特昭告

在天邀鑒庇

御極迄今茲璣璿十迴次舞千

德誕敷九寰用康乂風雨召和甘元符三階泰

帝心惟篤恭念

祖風夜思

曩緒敷繹思親賢兼樂利追報申齋虔前期

勅有司宗伯考憲度百禮旣敬戒水衡發

內帑度支百萬計

廑念在民依

手詔諭匱吏凡諸供頓需毋使秋毫費少昊行清秋

諏辰得吉筮

帝詣

奉先殿裸玉祇告祭翼晨

法駕動總搏御七萃雷碾鳴驂騶風馭控轂騎都人
炷香迎跂躍遍老穉豐稔兆畿甸黍芡禾穰穰
省斂鳴豫遊

詔免所過稅嚴闔鎮雄關邊月照沙塞間峯何高高
祠宇切天際秩禮

躬升馨牋懸奠纁幣諸名山大川望祀時哀對

睠及前代陵醪醴具霑漑百神效懷柔將將來聳衛
前驅松柏路秀挺萬古翠龍精蟠螭繆虎氣騰鳳鼎
弓劍森

鼎湖寶光五雲飄

開運屹嵯峨

興京闢靈隧

天柱與

隆業象設分壯麗巋然三神山

原廟衣冠秘

聖容穆以愉

聖心慤以愛聆寂聲聞通芒芴構精諦舟瑤儼

遺型於昭見如在潔蠲乃

孝享明盥承大禋方物羅鼎彝膾肥列羹敵玉瓚登

黃流苾芬思

神嗜蕭脂華火舉慶禱紛晻藹綏福駢如茨

受釐登上瑞大禮旣告成

睿情戀猶摯憶昔侍

先皇

橋山敬瞻拜今行受

命儀初謁實已再榱桷輦實枚黜聖新塗墜欽哉念
貽謀

垂訓昭後嗣凌烟舊勲佐

孝思錫以類松楸馬鬣封瑤卮酒

親酌白雲望

帝鄉粉榆

眷豐沛

省方重根本

留都奉

清蹕溟渤涯朝宗岡巒齊拱侍朔漠周藩離海邦作

襟帶緬茲泉巘勝

締構誠匪易崇政巍

宸居南離照無外
鄴宮大設朝玉帛圖

王會嚮晨無輪啟

金闕闢象魏
龍旂簇豹罕
麾仗列

御隊

九重大昕朝

龍袞盛服莅上公
珥貂蟬宗潢盟帶礪
外藩重譯賓
島滢占風至

玉殿臚句傳職貢
陳琛賁鏘洋鏗璆懸
法曲盛歌吹

蹈舞奉牋表歡聲動天地須臾

頌大酺廣廊綺筵肆仙脯擘麒麟天瓢斟沆瀣歲穰

世德舞中有太平字捧觴稱

聖壽福嘏齊高岱

皇情顧之喜

命酒先近貴步爵中衢尊

需澤盡霑醉紫泥出

中旨滂流

膏立濡金幣委如山溼汗普

大賚薄來且厚往柔遠及陪隸桓桓羽林郎優綈越
常例

錫秩褒從臣卷阿鳳羽翺

賜復更蠲逋田有不斂穡俯聽康衢謠粟帛膏年逮
藉衣園扉空解網出輕繫謳歌溢

輦路共樂

詔寬大猗與

祖澤長

大孝信不匱

奎藻頌聲登

厚章照四裔
口沫兼手胝
伏誦仰

文思

景命允丕釐

前寧聿敷賁

撫官夫何爲

端拱垂衣治

微臣荷

恩綸星軺凜奉使膠鬲富文彥彬郁慶

庥懿遙瞻

觚稜邊鈎鈐燭象緯

寶祚膺無疆矢詩繼時邁